

Бруней-Доруссалом - Осиёning етакчи олий ўқув юрларидан



10:35 / 30.10.2018 1920

Бруней-Доруссалом университети бу йил аввалги йилга қараганда беш поғона юқорига күтарилиб, Осиёning энг яхши 100 та университети рўйхатидан жой олди. Бу ҳақда borneobulletin.com.bn хабар берди.

Унга кўра, 2014 йилда у 180-ўринни эгаллаган, бу йил эса Осиёning барча олий ўқув юрларидан бор-йўғи 1% кирадиган энг яхши 100 та университетнинг рўйхатини якунлаб берди.

Бруней-Доруссалом университети бешта муҳим соҳада энг яхши олий ўқув юртлари бешталигига киради. Шунингдек, у сўнгги қаторасига тўрт йилдан бери унда таълим олаётган хорижий талабалар сони бўйича Осиёда биринчи ўрин ва қаторасига икки йилдан буён талабалар алмашинуви бўйича дастурда етакчилик қилиб келмоқда.

Юқори баҳо олган муҳим йўналишлар орасида ислом таълими, Осиё тадқиқоти, энергетика, доривор ўсимликлар соҳасидаги тадқиқотлар ва биохилма-хиллик қайд этилган.

Университет, шунингдек дунёning айрим энг яхши университетлари билан ҳамкорликда тадқиқотлар ўтказиб келмоқда. Биохилма-хиллик ва экологик

тадқиқотлар соҳасида бу йўналишдаги энг етакчи муассасалар – Корё университети (Жанубий Корея), Монаша университети (Австралия) ва Сингапур Миллий университети билан ҳамкорлик қилмоқда.

Осиё тадқиқотларида Бруней-Доруссалом университети Фудань университети (Хитой), Киото университети (Япония) ва Оксфорд (Англия) билан мустаҳкам алоқаларга эга. Энергетика соҳасида Осака университети (Япония), Австралия миллий университети ва Лозанна Федерал политехника мактаби (Швейцария) билан илмий ишлар олиб борилмоқда.

Ислом тадқиқотларида университет Колумбия (США) ва Кембриж (Англия) университетлари, шунингдек Малайзия Халқаро ислом университети билан алоқани қўллаб-қувватлаб турибди.

Осиёнинг энг яхши 100 та университети рўйхатига мусулмон мамлакатларидан яна Индонезиядан 10 та олий ўқув юрти, Покистондан 2 та олий ўқув юрти киритилган. Шунингдек олти йилдан сўнг, Осиёнинг энг яхши олий ўқув юртларнинг топ-100 рўйхатига Малайзия Паҳанг штати университети киришга муваффақ бўлди (ўшанда у 251-300-ўринларни эгаллаб турган эди).

Islom.uz портали таҳририяти